


colorchecker CLASSIC




x-rite




THE UNIVERSITY OF CHICAGO
PRESS










M. 13417.

Cat. Moreau

no 1813.



18

LETTRE,

A MONSIEUR
LE CARDINAL,
BURLESQUE.



Toute la Copie Imprimée,

A PARIS,
Chez ARNOULD COTINET, rue des
Carmes au petit IESVS.

M. DC. XLVIII.
AVEC PERMISSION.

88

81

LETTRE

A MONSIEUR

LE CARDINAL

BARLESQUE



Imprimé chez la Citoyenne

A PARIS

Chez ARNOULD COTINET, rue des
Carreaux au petit LESVRS.

M. DC. XLVIII.

AVEC PERMISSION.

LETTRE,
A MONSIEVR
LE CARDINAL,
BVRLESQVE.



ONSEIGNEVR, Monsieur, ou Sieur Iules;

Je serois des plus ridicules,
Si i'entreprendois aujourd'huy
De parler de vous comme autruy,
Quoy qu'on permette ou qu'on ordonne,
Iules, ie ne suis pas personne
A suivre vn sentiment commun,
Et railler de vous ny d'aucun.
Je laisse agir la populace,
Qui le voudra faire le face:
Je n'en dit mot, car aussi bien
Ce procedé n'est pas Chrestien.
Et puis cinq cens Lettres écrites,
Qui ne sont rien que des redites,
Ne me laisseroient pas de quoy
Faire quelque chose de moy.
Je ne serois, à le bien dire,
Que copier & que transcrire,
Et n'aurois pas de ce costé,
La gloire d'auoir inuenté.
Donc, si ie produis quelque chose,
En ces Carmes que ie compose,

C'en est que pour me diuertir,
 Ou, pour mieux parler, compatir
 A tous les maux où nostre France
 Se trouue depuis vostre absence;
 Car si nous vous tenions icy,
 Nous aurions nos Iustes aussi.
 Helas! depuis vostre sortie,
 Toute la loye est amortie!
 On n'entend plus parler de Bal,
 Et, dans le temps du Carnauall,
 Les Canons & les Mousquetades
 Ont pris la place des Aubades,
 Et l'on chante, *Que les Amours*
Sont effrayez par les Tambours.
 Si nous auoit esté facile
 De vous tenir en cette ville,
 Enuiron deuers ce bon-temps,
 Nous aurions esté plus contents.
 Le Bourgeois eust quitté le Casque,
 On eust veu la Canaille en masque
 Se réjouyr, & (comme on dit)
 Crier, *Il a chié au lit.*
 Mais, hélas! quoy qu'il en püst estre,
 Vous n'avez point voulu prestre,
 Ayant preferé sainct Germain
 A Paris que croyez sans pain.
 Ce qui, pourtant n'est qu'une baye,
 Car le Seigneur de la Boulaye,
 Ce grand Gassion de Conuoy,
 Nous ameine tousiours de quoy
 Nous garentir de la famine,
 Soit bœufs, soit moutons, soit farine,
 Cochons & d'autres bestiaux,
 Auoine, foin pour nos cheuaux,
 Enfin le gaillard ne sort gueres,
 Qu'avecque ses Portes cochères.

C'est la Chançon
 qui court.

Il ne reuienne du danger
 Pour nous donner dequoy manger.
 Mais tout cela, quoy qu'on en die,
 N'est pas pour faire longue vie,
 Et ie crains fort que le Blocus
 Ne mette à sec tous nos escus:
 Car Blocus est vn Capitaine
 Qui nous donne bien de la peine,
 Et qui, sans se mouuoir d'un lieu,
 En peut bien faire iurer Dieu.
 C'est vn mal que vostre Eminence
 Nous fait souffrir par son absence,
 Vous deuriez estre, en ce besoin,
 Vn peu plus pres, ou, bien plus loin.
 Outre, qu'en ce temps difficile
 Personne n'a ny Croix ny pile;
 Les riches sont bien empefehés,
 S'ils ont des biens, ils sont cachez:
 Les marchans ferment leur boutique,
 Les Procureurs sont sans pratique,
 Les Patissiers, pour le Douzain,
 Au lieu de gateaux font du pain.
 Les vendeurs de vieille ferraille,
 Les crieurs d'huiſtres à l'écaille,
 Les apprentifs & les plus gueux,
 Ne sont pas les plus malheureux.
 Car, n'ayant aucun exercice,
 D'abord, comme en titre d'office,
 Eux & Messieurs les Crocheteurs
 Se sont tous faits Colle-porteurs,
 Et, si tost que le iour commence,
 Crient, sans mettre d'Eminence,
Voicy l' Arrest de Mazarin,
Voicy l' Arrest de Mascarin,
La Lettre du Cavalier George,
 (Sile nom n'est vray, son le forge,

Puis, *Voicy le Courier François*
 Arriué la septiesme fois:
Voicy la France mal regie,
 Puis, vostre genealogie:
La Lettre au Prince de Condé,
 Qui vous a si bien secondé:
 Apres, *Maximes autentiques*
Tant Morales que Politiques:
Remonstrances du Parlement,
 Qui sont faites fort doctement,
 Item, *La Lettre Circulaire,*
 A qui vous seruez de matiere:
Lettre de Consolation
A Madame de Chastillon:
 Bref, tout au long de la iournée
 Chacun, comme vne ame damnée,
 S'en va criant par-cy par-là
 Et vers, & prose, & cætera,
 Il n'importe pas sous quel titre,
 Car c'est vous seul que l'on chapitre,
 Et, sous d'autres noms, quelquefois
 On vous donne dessus les doits.
 De dire par quelle esperance,
 D'honneur, de gain, ou de vengeance,
 Les bons & les mauuais Autheurs
 Donnent matiere aux Imprimeurs.
 C'est ce que ie ne puis bien dire:
 Je sçay bien qu'on en voit escrire
 Quelques-vns par ressentiment,
 Et d'autres par émolument:
 Et, comme chacun veut repaistre,
 Le valet qui n'a plus de maistre,
 Ne voit point de plus prompt mestier,
 Que de debiter le cahier,
 Ou bien, dans la faim qui les presse
 Combatre pour Sainte Genevieve:

Il n'est pas iusques à Iodelet,
 Qui n'ait en main le pistoler,
 Ayant adioint à sa Cabale
 Les gens de la Troupe Royale :
 Si bien qu'eux tous, iusqu'aux Portiers,
 Ont cuirasse, & sont caualiers,
 Tesmoignant bien mieux leur courage
 En personne, qu'en personnage.

Chacun va cherchant son salut,
 Diuersement au mesme but,
 Car vostre Troupe Theatine,
 Qui fait vœu d'estre peu mutine,
 Ne croyant point de seureté
 En nostre Ville & Vicomté,
 A fait Flandre, & dans des cachetes
 A ferré les Marionettes,
 Qu'elle faisoit voir cy-deuant
 Dans les derniers iour de l' Auant ;
 Voulant cette Troupe nouvelle,
 Aller se reioindre à Briguelle,
 Iusqu'à tant que, dans ce quartier,
 Soit en partist, ou tout entier,
 Vous reueniez prendre seance
 Au Palais de vostre Eminence,
 Pourueu que vous vouliez chercher
 Des lits afin de vous coucher :
 Car, pour ne vous y point attendre,
 Ces iours passez on a fait vendre
 Vostre precieux demeurant,
 Et vos meubles Au plus offrant,
 Exceptez la Bibliotheque,
 Qui demeure pour hypothèque
 A tous les sçauans de Paris,
 Qui n'estoient point vos fauoris :
 Encor qu'en bonne conscience
 Ils meritent bien récompense,

Les Theatins ou-
 tre la predication
 qu'ils faisoient cet
 Aduent dernier,
 en Italien, vou-
 lant émouuoir
 l'assemblée par les
 yeux, aussi bien
 que par les oreil-
 les, faisoient pare-
 ste des petits per-
 sonnages, pareils
 à ceux qu'on voit
 passer au dessus
 de l'Horloge du
 Marché neuf,
 quand les heures
 sonnent : pour
 représenter quel-
 que Histoire
 Sainte. Ce qui
 tenoit plus de
 l'artifice de l'Ita-
 lien, que de la de-
 uotion du Fran-
 çois.

Estant certain que la pluspart
 Ont mis maints deniers au hazard,
 Soit en Liure, ou These, ou peinture,
 Afin d'estre en bonne posture,
 Et d'obtenir assurement
 Quelque notable appointement:
 Auoir Benefices ou Charges:
 Mais vous n'estes pas des plus larges:
 Et ie croy bien que ces Messieurs
 Peuent chercher fortune ailleurs,
 S'ils ne l'ont desia toute faite:
 Car ie voy que vostre retraite
 Va vous oster tout le moyen
 De iamais leur faire du bien,
 Que par vostre retraite mesme,
 Qui leur feroit vn bien extreme:
 Car vous les pouuez obliger
 Allant au pays Estranger.
 Je sçay bien que cela vous peine,
 Mais vostre repugnance est vaine:
 En vain cherchez vous des detours,
 Il faut partir auant trois iours.
 Ne fondez point vostre esperance
 Sur l'effet de la C O N F E R E N C E,
 Ou bien sur la facilité
 De quelqu'honeste Deputé:
 A moins que le peuple ne parle,
 Que maistre Iean & maistre Charle,
 Maistre Pierre & maistre Bastien,
 N'ayent dit, *le le voulons bien*;
 Ce n'est pas encor chose faite;
 Encor faudroit-il que Perrette,
 Dame Lubine & Dame Alis
 Vous pussent souffrir à Paris,
 Et prissent vostre affaire à tasche,
 Comme au quartier de S. Eustache,

Elles firent pour leur **Cyvre**,
qui depuis leur est demeuré.
Ha! que s'il m'eust esté facile,
Quand vous estiez en cette ville,
De vous aborder quelque fois,
Et vous parler de viue voix,
Vous seriez encore a vostre aise,
Et n'auriez point fait des fadaize,
Pourueu que mes petits auis
Eussent par vous esté suiuis.
Mais il nous estoit impossible,
Vous estiez toujours inuisible,
Et l'on pouuoit mettre en escrit
Dessus vostre porte, *Cygit*;
Cependant qu'en vostre **Antichambre**
Où fumoit le **l'asmin** & l'**Ambre**,
L'**Intendant**, & le **Cordon bleu**
Pestoient ensemble aupres du feu,
Sçachant bien que pour toute affaire,
Soit importante, ou necessaire,
Vous teniez en main le **cornet**,
Ou railliez dans le **Cabiner**,
Auec **Bautru**, **Lopes** & d'autres,
qui sont bien d'aussi bons apostres,
Et deux **Singes** sur vos genous,
qui dansoient par fois avec vous.
Cen est pas viure à nostre mode,
Le **François** a d'autre methode,
Et vous n'auriez pas fait tant mal
D'imiter le feu **Cardinal**,
Dont le discours & le visage
Gagnoient le cœur du plus sauuage,
Donnant au monde tour à tour
Vne audience chaque iour.
Vous deuiez imiter cet homme,
Et ioindre l'adresse de **Rome**.

A la science qu'il auoit
 De Politique & d homme adroit.
 Comme vous auiez la puissance,
 Et de deniers grande abondance,
 Vous pouuiez finir nos langueurs,
 Et, par la Paix gagner les cœurs.
 Elle n'estoit que trop facile,
 Grace au genereux Longueuille,
 Si vous n'avez point trauerse
 Ce qu'il auoit bien commencé.
 Voila ce qu'il vous falloit faire,
 Pour estre long-temps necessaire.
 Sur tout il se falloit garder,
 Sans vn peu trop se hazarder,
 De toucher aux Cours Souueraines,
 Qui pour la plu s part sont hautaines,
 Et sanglent vn homme tout net
 Par Arrest de six cens dix-sept,
 Et de Ianuier, en cette année,
 Où l'on vous l'a belle donnée,
 Voila que c'est de s'ingerer
 Aux affaires de l'Estranger.
 Excusez, Iules, ie vous prie,
 Si, d'vne plume si hardie,
 Je semble auiourd'hui vous parler:
 Je ne scaurois dissimuler,
 Je dis icy ce que ie pense,
 Non par esprit de médifance:
 Mais bien, par le dépit que i'ay,
 Que vous n'avez point ménagé
 Cet honneur que vous auiez, d'estre
 Aussi puissant que nostre Maistre,
 Faire de nouueaux Reglements,
 Disposer des Gouvernemens,
 Conferer tous les Benefices,
 Créer, supprimer des Offices,

Bref, de faire, selon vos vœux,
 Les hommes grands ou malheureux,
 Tant s'en faut que ie vous accuse,
 I'ay tousiours fait parler ma Muse
 Avec des termes de respect,
 Si que ie crains d'estre suspect,
 Et besoin est que ie m'explique
 Selon l'air de la Voix publique.
 Pourquoi vous traitterois-ie mal ?
 Vous estes vn grand Cardinal,
 Vn homme de haute entreprise,
 Vingt fois Abbé, Prince d'Eglise,
 Quoy que ne soyez *in Sacris*,
 N'ayant Ordres donnez ny pris,
 Et n'ayant point de Caractere,
 Non plus que l'art du Ministère.
 Il est vray qu'en ce dernier point,
 Cher Iules, vous ne sçavez point
 La science ny la pratique
 Du gouvernement Politique.
 Je vous en parle franchement,
 Et chacun dit communément
 Que si, par le Conseil d'un autre,
 Loin de faire suiure le vostre,
 Vous vous fussiez pû contenter
 D'obeyr & d'executer,
 Vous auriez tousiours fait merueille,
 Tefmoin l'action non pareille
 Que vous fistes près de Casal:
 On n'a iamais rien fait d'egal.
 Il faut que tout chacun l'auouë,
 Et qu'en passant ie vous en louë,
 Sans contredit, ce coup fut beau,
 Mais ce fut vn coup de Chapeau,
 Depuis, sans se faire de feste,
 Il falloit faire vn coup de Teste,

Ou fuir les degrez les plus hauts
Peur de faire voir vos défauts :
Pour le moins, si ce vous fut forcé
De prendre à cette douce amorce,
L'entends, l'honneur de dominer,
Il s'y falloit mieux gouverner.
Il falloit estre fauorable,
Doux, humain, Visible, traictable,
N'auoir aucune passion,
Abolir la proscription,
Ne causer la mort à personne,
(Pout le moins à la Barillonne.)
Cen'est pas tout que s'eleuer,
L'esprit est à se conseruer.
Vous connoissez bien quelles peines
Vous font Pierr' Encise & Vincennes,
Vous en connoissez le hazard,
Mais, Iules, c'est vn peu trop tard.
Il faut, maintenant, faire gille,
Vous en retourner en Sicile,
Et, soit aujourd'huy, soit demain,
Fuir, pour iamais, de S. Germain.
Il ne faut point que l'on differe,
Cét Arrest, ou doux ou seueré,
Est tout prest à s'executer,
Et, si ne voulez vous haster,
Je crains bien fort, que chez vos niepces
Ne portiez pas toutes vos piecés,
Et ne partiez de S. Germain
Vn peu leger de quelque grain.
Le sçay fort bien, ne vous déplaise :
Qu'aujourd huy vous seriez bien aise,
Si l'on vous venoit assurer,
Qu'icy vous pouuez demeurer
Dans le calme & parmy la gloire.
Mais, comme vous auez memoire,

Je veux vser avec raison,
De la mesme comparaison,
Qu'au poinct des affaires troublées,
Vous fistes, sur nos Assemblées,
Parlant à Monsieur Boucqueual.

Or ça, monsieur le Cardinal,
Parlons en saine conscience,
Et souffrez avec patience,
Ce raisonnement Delicat:
Vous portez des Glands au Rabat,
Si, d'autorité Souueraine,
Le roy, ie ne dis pas la reyne,
Alloit dire, Je vous defends
De plus iamais porter des glands.
Je veux qu'il ne soit point blasmable
De s'orner de chose semblable,
Mais, si le roy le defendoit,
En conscience auriez vous droict
D'en porter malgré sa defense?
Cela presse vostre Eminence.
Or venez-ça, respondes-nous!
Tout de bon, en porteriez-vous?
Non, vous n'en auriez point enuie,
Vous n'en auriez de vostre vie,
Et, sans vous enquerir, pourquoy
Vous voudriez obeyr au roy,

Ainsi, le roy, dont la prudence
Met toutes choses en balance,
Par Arrest de son Parlement,
vous enioint, sans retardement,
De quitter la France, & sur peine
D'encourir l'excès de sa haine:
Pourquoy, donc, ne partez-vous pas?
Et qui peut retenir vos pas:
Est-ce point, que vous voudriés dire,
Que nostre Prince a moins d'empire

D

Le Card. Mazarin ayant appris que l'vion des Cours Souueraines, pourroit ruiner son autorité, tafcha d'arriner les plus forts des Cōpagoies. Et voulant vn iour persuader à Mr. de Boucqueual, Doyen du Grand Conseil, que les Assemblées n'estoient point permises, il se seruit de la Comparaison des glands, & luydit en ces mesmes termes, Venez-ça, Monsieur de Boucqueual, vous portez des glands. Si le Roy vous defendoit d'en porter, vous seroit-il permis d'en auoir apres sa defense? Respondes, disoit-il, cela vous presse. Or ie dis de mesme, puisque le Roy vous defend de vous assembler, pourquoy &c.

Cette comparaison seruir des le lendemain de matiere à tous les Rieus.

In Card. Ma.
 Les yeux vers
 De la même
 Or au point
 Vous ferez
 Parant Monsieur
 Cris, mon
 Parons en
 Et souffrez
 Or s'ordonne
 Vous portez
 Si d'aujour
 Le roy, je
 Allons que
 De plus
 Les yeux
 De s'ordon
 Mais, si
 En con
 D'en porter
 Cela pr
 Or venez
 Tout de
 Non, vous
 Vous en
 Et, sans
 Vous ferez
 Car ne
 Ainsi, le
 Mettrons
 Par v
 vous en
 De par
 Et enco
 Pourquoy
 Et qui
 Et ce po
 Que notr

Sur les hommes hauts & puissans
 Que sur leurs colets & leurs glands
 Non, non ; sans tarder dauantage,
 Allez, partez, pliez bagage,
 Crainte que Monsieur de Beau fort
 Ne vous enuoye vn passeport,
 Pour aller iusqu'en l'autre monde,
 Malgré le bras qui vous seconde ;
 Car ny nos Generaux, ny luy,
 Ne vous donneront point d'appuy.
 Puis qu'ils veulent, par leur vaillance,
 Restablir nostre pauvre France
 Dans son ancienne liberté,
 Vous n'estes pas en seureté,
 N'attendez pas que nos villages
 Soient reduits aux derniers pillages,
 Et suffise que Charenton
 Vous couste le grand Chastillon,
 Ny le combat ny la victoire
 Ne vous scauroient donner de gloire ;
 Et ie mets au rang des mal-heuis,
 Vn bien qui nous couste des pleurs,
 quand, par la suite d'vne guerre,
 Vous aurez rauagé Nanterre,
 Meudon, Surefne, & S. Denis,
 Vous ferez les premiers punis.
 Car ne leur laissant pas la maillé,
 Ils ne payeront plus de Taille,
 Et le Prince en maiorité,
 Dira bien que sa Majesté,
 Au temps de sa plus tendre enfance
 Estoit soubmise à l'eminence.
 Voyant son Domaine enuahy,
 Il dira que l'on l'a trahy ;
 Et qu vn Ministre bien habile
 Ne deuoit point donner de Ville,

Du moins en Souueraineté,
Si force ce n'auoit esté.

Mais ce raisonnement me passe,
Je vous demande encore grace:
Peut-estre vn peu trop librement
L'expose icy mon iugement;
Non par vn esprit de Censure,
Iel'ay desia dit, & i'en iure:
Au contraire, c'est par pitié,
Ou par vn reste d'amitié
que ie vous parle en cette sorte;
Et, sans que l'humour me transporte,
Certes, nous auons, presque tous,
Su jet de nous louer de vous.
Pour le moins, oserois ie dire,
quand tout le monde en deuroit rire,
que vous auez fait de grands biens
A Messieurs les Parisiens.
L'Esté, vous faisiez, d'eau de Seine,
Arrouser le Cours de la Reyne,
et, qui plus est, de vostre estoc,
Leur auez introduit *le Hoc*,
Estably la Plaifanterie,
Et fait bastir vne Escurie,
Digne de vous, grand Cardinal,
Par don; la Rime de Cheual
M'a ietté dans cette pensée,
Qui par vn malheur s'est gliffée,
Enfin, vous aués apporté
Quelque chose à cette Cité;
Si bien que chacun, ou ie meure,
S'entretient de vous à toute heure.
Mésme, depuis vostre départ,
Les bons Beuueurs, à tout hazard,
Vous louent de leur malheur mesme.
Car cela fait, que ce Carême,

Le poisson se vendant trop cher,
 Ils peuuent manger de la cher,
 Et, nonobstant le privilege,
 Ils doiuent cette grace au Siege;
 Non pas au S. Siege Romain,
 Mais au Siege de S. Germain,
 Vne chose seule me ronge,
 Et me fait peine quand i'y songe,
 Ceux qui restent de vostre Cour
 Sont cachez icy tout le iour,
 Et, pas vn n'ose plus parestre,
 De crainte d'estre pris pour traistre.
 Mesme on dit que *Cantarini*,
 qui rimoit à *Mazarini*,
 Ne trouuant point chez qui se mettre,
 S'est fait abreger d'une lettre,
 Et voyant que son nom, en Rin,
 Rimoit encor à Mazarin,
 Dust-il auoir vn nom Arabe,
 Il retranche vne autre syllabe.
 Vn chacun d'eux, fuit ce trantran,
 Horsmis l'homme à l'Oruietan,
 A cause qu'il est populaire,
 Et que sa drogue est necessaire.
 Mais pour Monsieur Particelli,
 Les Sieurs Milette, Torelli,
 Aussi bien que toute la Troupe,
 N'osent plus auoir, I, en croupe,
 Et, de peur d'estre criminel,
 Torelli, se nomme Torel,
 Vous en voyez de qui la mine,
 Pour paroistre vn peu fourbe & fine,
 Fait qu'ils passent pour estrangers;
 Et, pour euitter tous dangers,
 Ils disent qu'ils sont de Prouence,
 En core qu'ils soient de Florence,

Et, quelquefois, Siciliens,
 Car, basse pour Italiens.
 C'est pour cela, que ce bon-homme
 Qui monstroit la langue de Rome,
 Oudin, n'ose plus faire bruit,
 Et s'il l'enseigne, c'est de nuit.
 Il cache son Dictionnaire,
 Et met en terre sa Grammaire;
 Et ceux qu'il enseignoit aussi,
 N'osent pas dire, *Signor si*.
 Pourtant ce n'est rien que folie,
 On n'en veut point à l'Italie,
 Mais on confond l'Italien
 Auecque le Sicilien.
 Pour moy ie ne fais pas de mesme,
 Cal malgré ce peril extremes,
 Et deuant tout le genre humain
 I'auoüe que ie suis Romain.
 Ouy ie le suis, & ie me picque
 D'estre tres-parfait Catholique:
 Mais quelque Romain que ie sois,
 Ie sçay parler en *bon François*.
 Plust au Ciel, pauvre Seigneur Iule,
 Que n'eussiez point esté credule
 Aux Conseils de certains esprits,
 Et qu'eussiez fait, comme i'écris:
 C'est à dire auecque franchise,
 Quoy que l'on fasse mine grise,
 Par tout à vos rouges habits,
 Vous seriez encor à Paris,
 Dans la gloire & dans la puissance,
 Au lieu que vous estes en transe;
 Et n'avez (peur *Du courre sus*,)
 que des somnes interrompus;
 Attendant que l'on execute
 Cét Arrest qui vous met en butte

E

F I N.

C'est le Rondeau
qui fut fait apres
la mort de feu
Monsieur le Car-
dinal de Riche-
lieu. Il est passé
l'Eminent person-
nage, &c.

Au moindre homme qui l'aura beau,
Et l'on dira comme au Rondeau,
Il est passé le personnage
Sans qu'on adiouste, c'est dommage.
Si ce n'est qu'un cœur attendry,
Vous voyant peut estre meurdry,
Découvert, & sans sepulture,
Puisse plaindre vostre aventure,
Disant; quand vous serez passé,
Un *Requiescant in pace.*
Pour moy i'en ferois davantage,
Si vous auiez plié bagage,
Non pas vous souhaittant la paix,
Car vous ne l'aimastes jamais,
Mais, puisque vous aimez la guerre,
Si tost que vous serez par terre,
Je veux supplier le Seigneur
De quitter, en vostre faueur,
Ces qualitez accoustumées,
Pour celle de *Dieu des Armées.*
Soubs ce tiltre, ie vous predis
De l'employ dans le Paradis.
Là vous pourrez estre Ministre,
Si, par quelque accident sinistre,
Où vous ne vous attendez pas,
Vous n'allez traouailler plus bas.
Je ne vous en puis rien promettre,
Adieu, c'est trop pour vne Lettre,
Je suis vn modeste *Frondeur,*
Qui me dis

VOSTRE SERVITEUR
NICOLAS LE DRUY

A Paris, de Mars le neuuesme,
Qui n'ut ny Foire ny Carefme;
L'an que le Roy, le iour des Roys,
Partit, pour la seconde fois,
Se retirant de cette Ville
Dont bien luy prit; & que Paris
Pour sauuer l'Homme de Sicile,
Fut assiegé sans estre pris.

SCAZON.

F I N.



SCAZON.

*Non damna damnis ; Bella, non licet bellio,
Referre ; pacem optare, pro dolis, præstat,
Si, Christiana, quid valet fides, legis.*

*Ciet tumultus, Iulius, vetans pacem ;
Me, optare mortem, Iulio, putas ? Nolim
Sedet tumultus, ☉ Quiescat in pace.*

1785. 1786. 1787. 1788. 1789. 1790. 1791. 1792. 1793. 1794. 1795. 1796. 1797. 1798. 1799. 1800.

SECTION.

Non datur datur; Bella, non licet bello.
- Refere; parum optat, pro dolo, profat.
Si Christiana, quod dicit fides, legis.
Est iustitia, in non, ut in parum;
M. optat morum, ludo, parum? Nolum
Scherma, Quicquid in pace.

Faint, illegible text at the bottom left of the page.

